




AÑÁTTU EKKÁN MÁSK FINDÁ FORIBÓNÉ?

Sómaji faráfari ola zaga ókkol ót COVID-19 óttu basibólla másk ókkol ekkán battí ehéteyat. Másk or wosíyot ókkol adde zorurot ókkol cómmonde tuñár mokami estéit adde teritorir mocwara cek gorísoó. Zodi tuñúi eén abostát asó deki zeçé jusími duré táka mockil zeén neki umumi solafírar usíla, tuñúi ekkán másk findá ekteyar gorí faribá.

COVID sára tákibollá:


- Tuñár hát ókkol óre dúifeló yá dabai maro
- Jisími duré táka baki raikkó (1.5m)
- Tuñát COVID-19 véksin mara ókkol óre torutaza raikkó
- Gór ot táikko zodi gom noláge ar theés gorífélayó.



Zodi ekkán másk findá tuñúi ekteyar goríle:



Másk dórar age tuñár hát ókkol óre dúifeló



Fakka goró deki hían e tuñár nak adde gal oré záfaiye, ar tuñár zaim or tole, nak dáraillat ar muk or dhák ókkol ót zuitgorí laiggé.



Másk or muún dhák óre nosúiyó zehón hían findóon yáto hían kúñwoór. Zodi tuñúi másk gán súitákile, héhon tuñár hát ókkol óre dúifeló yáto dabai maro. Másk gán tuñár zaim yáto golat lothki tákito nodiyó.



Másk gán kúñwai baade tuñár hát ókkol óre dúifeló yáto dabai maro.



Hoor or másk ókkol óre fotti estemal or baade, yá homot fottidin dúiyó.



***Ek barjja estemal or másk ókkol óre dubara estemal nogoróonsá ar estemal or baade félaidoonsá.**

ZORURI: Niyác or nitti mockilat ola manúic é másk estemal or age daktori mocwara soónsá.

Beec maalummat ollá, National Coronavirus Helpline óre **1800 020 080**, ot koól goró, buzáidiyar hédmot ólla **ekteyar 8** basó, yá gólisoó **www.health.gov.au**